






Júðódeild Tindastóls

annáll ársins 2017



Inngangur

Ekki er hægt að segja annað en að árið 2017 hafi verið viðburðarríkt hjá Júdódeild Tindastóls. Þetta er fjórða árið sem Júdódeildin er starfrækt eftir að starfsemi hennar var endurvakin haustið 2014, en fram að því hafði ekki verið boðið upp á Júdó á Sauðárkróki í yfir áratug. En Júdódeildin var formlega samþykkt á ný sem deild innan Ungmennafélags Tindastóls á aðalfundi þann 2. mars 2016.

Fyrstu tvö árin fóru æfingar fram í íþróttasal gamla barnaskólans milli Freyjugötu og Sæmundargötu en eftir að sveitarfélagið seldi það húsnæði árið 2016 fluttist æfingaaðstaðan í íþróttahúsið á Sauðárkróki.

Síðustu þrjú ár hefur Júdódeildin einnig boðið upp á vikulegar æfingar á Hofsósi í samstarfi við Ungmennafélagið Neista og

nú í haust hófst starfsemi með svipuðu fyrirkomulagi í Varmahlíð í samstarfi við Ungmenna- og íþróttafélagið Smára.

Í haust bauð Júdódeildin upp á nýtt námskeið í *Blönduðum bardagalistum* sem samanstóð af æfingum í *Boxi*, *Kickboxi* og *Jujitsu*. Þessar greinar réðust mest af framboði þeirra þjálfara á svæðinu sem höfðu áhuga og tíma til þess að taka þetta verkefni að sér, en samtals komu sex þjálfarar að þessu námskeiði. Aðskóknin var góð og því verður aftur boðið upp á námskeiðið á nýju ári og bætast þá *Karate* og *Júdó* við bardagalistavalið.

Hér fyrir neðan verður nú stiklað á því helsta í starfsemi Júdódeildarinnar á nýliðnu ári.



Frá æfingum á námskeiði í Blönduðum bardagalistum. Myndir: Einar Örn Hreinsson.

Mót

Júdósamband Íslands (JSÍ) stendur fyrir fjórum mótum ár hvert þar sem keppt er í yngri og eldri flokkum. Júdódeildin hefur átt keppendur í yngri flokkum á þessum mótum og má sjá fjölda og árangur keppenda Júdódeildarinnar í töflunni hér fyrir neðan.

Utan JSÍ mótanna er haldið Norðurlandsmót ár hvert fyrir júdófélög á Norðurlandi ásamt því sem Júdódeildin stendur árlega fyrir Jólamóti og Vormóti.

Norðurlandsmótið hefur verið haldið á Blönduósi á haustin og ber Júdófélagið Par-

dus hitann og þungann af skipulagningu þess þó að um samvinnuverkefni allra júdófélaganna á Norðurlandi sé að ræða. Jólámót Tindastóls markar lok haustannar og er innanfélagsmót, eingöngu ætlað iðkendum Júdódeildar Tindastóls. Vormót Tindastóls markar aftur á móti lok vorannar og er það mót opið öllum. Taflan hér fyrir neðan sýnir einnig upplýsingar um fjölda og árangur keppenda Júdódeildarinnar á þessum þremur mótum.

Fjöldi og árangur keppenda Júdódeildarinnar á mótum.

Mót	Dagsetning	Fjöldi keppenda	Fjöldi verðlauna
Afmælistmót JSÍ	12. feb	3	2
Vormót JSÍ	25. feb	3	1
Íslandsmót JSÍ	1. apr	9	4
Haustmót JSÍ	21. okt	5	4
Vormót Tindastóls	28. maí	18	18
Norðurlandsmót	2. des	15	14
Jólamót Tindastóls	20. des	22	22



Keppendur á Vormóti. Mynd Katharina Sommermeier.



Keppendur Tindastóls á Íslandsmóti yngri flokka 2017. Aftari röð frá vinstri: Arnór Freyr Fjólmundsson, Viktor Darri Magnússon, Þorgrímur Svavar Runólfsson, Tsvetan Tsvetanov Michevski, Andri Björn Andrason og Magnús Elí Jónsson. Fremri röð frá vinstri: Sveinn Kristinn Jóhannsson, Haukur Rafn Sigurðsson og Ása María Sigurðardóttir. Mynd Einar Örn Hreinsson.



Pátttakendur á Jólamóti Tindastóls. Mynd: Katharina Sommermeier.

Æfingabúðir

Júðofélagið Pardus á Blönduósi stóð fyrir æfingabúðum helgina 8. og 9. apríl þar sem selyssingurinn Garðar Hrafn Skaptason fór yfir nokkur mikilvæg atriði fyrir júðóiðkendum auk þess sem tekist var á í

glímum og farið í leiki. En iðkendum Júðódeildar UMF Selfoss sóttu æfingabúðirnar ásamt iðkendum frá Pardusi og Júðódeild Tindastóls.



Frá æfingabúðum á Blönduósi. Mynd Róbert Daníel Jónsson.

Helgina 11. til 13. ágúst tók Júðódeild Tindastóls á móti gestum frá Linköping og Stokkhólmi í Svíþjóð, Júðódeild Ármanns í Reykjavík og júðofélögum á Norðurlandi. Um var að ræða framhald af heimsókn Júðódeildar Ármanns og Júðódeildar Tindastóls til júðofélagsins Linköping Judo í Svíþjóð frá því í fyrrasumar. Að þessu sinni voru það Svíarnir sem komu til Íslands og auk júðofólks frá Linköping bættust við iðkendum úr júðofélaginu IK Södra Judo frá Stokkhólmi. Samtals tuttugu krakkar og fjórtán fullorðnir.

Íþróttahúsið í Varmahlíð varð fyrir valinu sem æfingastaður og voru júðódýnur

Tindastóls og Pardusar á Blönduósi notaðar til að búa til júðóvöll sem nánast þakti gólflöt íþróttahússins. Alls voru fjórar júðóæfingar haldnar frá föstudegi til sunnudags og höfðu iðkendurnir einstakt tækifæri til að æfa undir handleiðslu mjög reyndra þjálfara ásamt því að reyna sig í glímum við einstaklinga úr fjölbreyttum hópi iðkenda.

Sjálfbodaðar Júðódeildarinnar tóku vel á mót gestunum og sáu til þess að þá vanhagaði ekki um neitt, hjálpuðu þeim við að skipuleggja afþreyingu og sáu um að útþúa málsverði fyrir hópinn í grunnskólanum í Varmahlíð þar sem hluti gestanna hélt til.



Frá æfingu yngri iðkenda á æfingabúðunum í Varmahlíð. Mynd Fredrik Wibäck.

Aðrir viðburðir

Aðalfundur Júdódeildar Tindastóls fór fram 3. apríl og var þáverandi stjórn endurkjörin, sem reyndar hefur starfað óbreytt frá endurstofnun deildarinnar. En stjórnina skipa Einar Örn Hreinsson formaður, Helena Magnúsdóttir gjaldkeri, Ingibjörg Ásta Sigurðardóttir ritari og meðstjórnendurnir Magnús Hafsteinn Hinriksson og Jakob Smári Pálmason.

Pardus kom í heimsókn 6. apríl og eftir sameiginlega æfingu var farið á Strumpana í Bifröst, sem vakti mikla lukku.

Foreldraæfingar voru haldnar á hvorri önn en þá gefst iðkendum tækifæri á að bjóða foreldrum, systkinum, ömmum, öfum og vinum á æfingu með sér. Alltaf koma einhverjir á þessar æfingar sem eru að prófa Júdó í fyrsta sinn og einnig eru þó nokkrir

foreldrar sem aldrei láta sig vanta á þessar æfingar.

Í lok hvers árs er venja að heiðra iðkendur sem hafa staðið sig vel á æfingum og á mótum og eru góðar fyrirmyndir. Það er gert með tilnefningu deildarinnar til íþróttamanns Tindastóls og með tilnefningum til ungs og efnilegs íþróttafólks sem hlýtur viðurkenningar á hátíðarsamkomu UMSS.

Tsvetan Tsvetanov Michevski var tilnefndur af Júdódeildinni til íþróttamanns Tindastóls, en með góðri ástundun og augljósum hæfileikum hefur Tsvetan tekist að ná ágætum árangri á æfingum og í keppni. Skemmst er að minnast þess að hann varð í fyrsta sæti á haustmóti yngri flokka JSÍ sem haldið var í Grindavík á haustmánuðum.



Frá foreldraæfingu í haust. Mynd: Einar Örn Hreinsson.

Tsvetan hlotnaðist einnig sá heiður að fá afhendan afreksbikar, sem er farandbikar til minningar um Stefán Guðmundsson fyrrverandi stjórnarformann Kaupfélags Skagfirðinga og konu hans Hrafnhildi Stefánsdóttur. Tsvetan fékk bikarinn afhendan

á styrkúthlutunarsamkomu menningarsjóðs Kaupfélags Skagfirðinga og voru það bræðurnir Ómar Bragi og Stefán Vagn Stefánsynir ásamt Ingvari Hrannari Ómarssyni sem afhentu bikarinn.



Við afhendingu minningarbikars um hjónin Stefán Guðmundsson og Hrafnhildi Stefánsdóttur. Frá vinstri: Stefán Vagn Stefánsson, Tsvetan Tsvetanov Michevski, Ómar Bragi Stefánsson og Ingvi Hrannar Ómarsson. Mynd: Einar Örn Hreinsson.

Að þessu sinni voru það Ása María Sigurðardóttir og Arnór Freyr Fjólmundsson sem Júðódeildin tilnefndi til ungs og efnilegs íþróttafólks. Þau hafa bæði æft og keppt í Júðó fyrir Tindastól í á fjórða ár,

eða allt frá því að deildin var endurvakin. Þau hafa bæði sýnt stöðugar framfarir og staðið sig vel á æfingum og í keppni og eru vel að þessum viðurkenningum komin.



Frá hátíðarsamkomu UMSS. Arnór Freyr Fjólmundsson og Ása María Sigurðardóttir.
Mynd: Ingibjörg Ásta Sigurðardóttir.

Að lokum vill Júðódeildin koma þakklæti á framfæri til allra þeirra sem hafa starfað fyrir deildina á nýliðnu jafnt sem fyrri árum. Bestu þakkir til allra þjálfaranna sem vinna gott og mikilvægt starf

í sjálfboðavinnu og iðkendur, foreldrar og velunnarar deildarinnar sem eru boðnir og búnir að aðstoða þegar á reynir. Það væri einfaldlega ekki hægt að starfrækja þessa deild án allra þessara fúsu handa.

Viðauki

Ársreikningur fyrir árið 2017 - Júðódeild Tindastóls**Rekstrarreikningur
01.01.2017-31.12.2017**

Tekjur:	2017	2016
Félagsgjöld	658.684 kr	521.000 kr
Júðóbúningasala	67.500 kr	143.500 kr
Júðóbúningaleiga	118.750 kr	
Peysu og töskusala	83.000 kr	55.400 kr
Aðrir styrkir	29.835 kr	65.000 kr
Ferðastyrkur JSÍ	93.070 kr	0 kr
Tekjur af mótum	114.500 kr	192.000 kr
Vaxtatekjur	3.462 kr	8.996 kr
Ýmsar tekjur	64.000 kr	56.000 kr
Samtals tekjur:	1.232.801 kr	1.041.896 kr

Gjöld:	2017	2016
Júðóbúningar fyrir iðkendur	74.624 kr	42.035 kr
Peysur og töskur	182.008 kr	0 kr
Auglýsingar	29.386 kr	21.716 kr
Tollur af júðóbúningum	29.496 kr	25.564 kr
Tollur af bardagabúnaði	40.651 kr	0 kr
Mótsgjöld	91.249 kr	220.718 kr
Æingabúðir í Varmahlíð	136.242 kr	0 kr
Styrkir o.þ.h. til iðkenda og þjálfara	100.000 kr	0 kr
Gjöld til JSÍ, t.d. gráðugjöld o.s.fr.	28.500 kr	21.000 kr
Vanskilagjald	12.377 kr	593 kr
Þjónustugjöld	195 kr	0 kr
Fjármagnstekjuskattur	692 kr	1.798 kr
Afskriftir	115.299 kr	114.191 kr
Annar kostnaður	54.372 kr	56.761 kr
Samtals gjöld:	895.091 kr	504.376 kr
Samtals rekstrarniðurstaða	337.710 kr	

Efnahagsreikningur 31. desember 2017

Eignir:	2017	2016
0310-26-001478	1.213.932 kr	1.005.447 kr
Júðódýnur	759.729 kr	844.143 kr
Júðóbúningar	173.052 kr	179.108 kr
Bardagabúnaður	100.892 kr	0 kr
Aðrar eignir	4.019 kr	4.466 kr
Kröfur	125.250 kr	
Samtals eignir:	2.376.874 kr	2.033.164 kr

Skuldir og eigið fé:	2017	2016
Skammtímaskuldir	0 kr	-6.000 kr
Eigið fé frá fyrra ári	2.039.164 kr	1.501.644 kr
Rekstrarniðurstaða ársins	337.710 kr	537.520 kr
Samtals skuldir og eigið fé:	2.376.874 kr	2.033.164 kr

Staðfesting kjörinna skoðunarmanna